

a Zrmanja usque ad Narentam²⁴ et hac occasione in depopulatas regiones hodiernae Dalmatiae secum ex Bosna et Hercegovina turmatim innumeras familias adduxerunt. Inter numerosos casus hujusmodi transmigrationis hic solummodo aliquos proferemus. Sic in Scardonam et regionem ejus, Kotari, fratres conventus de Visovac adduxerunt 1300 familias populi.²⁵ Similiter et alii conventus fecerunt. Ille de Rama pluribus vicibus ultra quinque millia familiarum eduxit de Bosna et Hercegovina quas in valle Cetinae et regione Zagora collocavit, e quibus ortum ducunt vel auctum populi hodiernae paroeciae Zasiok, Bitelić, Bajagić, Gala, Otok, Ruda, Grab, Čačvina, Tijarice, Aržano, Voštane, Strizirep, Svib, Vojnić, Trilj, Turjaci, Hrvatei, Potravlje, Sinj, Dicmo, Dugopolje, Prugovo, Konjsko, Muć, Ogorje, Bršanovo, Lečevica, Prgomet, Bristivica, Blizna, Ljubitovica, Suhidol, Visoka, Nevest, Radošić, Čvrljevo.²⁶ Fratres conventus de Makarska in subjectionem gubernii veneti adduxerunt villas Zagvozd, Župa, Vrdol, Zmijavci, Runović, Poljica, Vinjane et Proložac.²⁷ Illi vero de conventu Živogošće centenas familias de Hercegovina in villam Zavojane deduxerunt.²⁸ Solus P. Marinović cum Knežević 2000 animarum de Hercegovina eduxit, quae pagos Potravlje, Zasiok, Satrić, Muć, Bitelić, Dabar, Grab incolarunt, aliqua vero pars ex ipsis in Vačane migravit in regione Kotari.²⁹ Conventus autem de Zaostrog e turcico jugo in regionem suae circumscriptionis 4000 familiarum migrare

²⁴ De heroicis eorum laboribus cum populo christiano pro armis christianis in omnibus expeditionibus, ubi agebant simul vices ducum spiritualium et belligerantium, vide optime ad fidem documentorum scriptam historiam apud Zlatović, o. c. 145—165, 191ss., 212ss.

²⁵ Ex originali apud Zlatović, o. c. 148.

²⁶ Marković, *Le parrocchie*, 15; Sinj i njegovo slavlje, Zagreb 1898, 25 sq.; Zlatović, o. c. 154; Lulich, *Stato della dalmata francescana provincia de Min. Oss. del SS. Redentore*, Spalato 1857, 11; Crnica P. A., *Naša Gospa od Zdravlja i njezina slava*, Šibenik 1939, 5 sq.

²⁷ Arch. conv. Zaostrog, v. Benemerence, f. 6.

²⁸ Zlatović, o. c. 162.

²⁹ Zlatović, o. c. 162—163. De eodem a. 1696 testificatur Provisor Generalis Dalmatiae A. M. Semitecolo: «...ridusse col mezzo delle sue insinuazioni sacerdotali sotto il governo del Principe, et a questa giurisdizione il numero di settecento trenta sei famiglie, che per comando dell'